

## ETI-MBUK EKE EYEN ABASI

Ñwed Mbon Rome 1:1-17; Isaiah 52:7; 61: 1-3; Matthew 4: 23-25; Utom Mme Apostle 20: 24; Ñwed Mbon Ephesus 6: 18-20; 1Ñwed Thessalonica 1: 5; 2 Ñwed Thessalonica 1: 7-10

### OYOHỌ UKPEP-ÑKPỌ 380

Eke Mkparawa

**IKỌ IBUOT:** “Ukot owo eti mbuk eye didie ke enyọñ ikpọ obot! Ukot owo eke ọkworọde emem” (Isaiah 52: 7).

#### Ndisọñọ Idaha Christ

Ñkpọ odu emi eyarade owutde ukpuhọre ke ido ukpono Abasi nte Christ ekpepde ye mme ido ukpono eken ke ererimbot. Odudu odu ke enye. Ema eyarare Jesus nte “Eyen Abasi ye odudu... oto ke eriset ke mkpa.” Enye ama osọñọ idaha Esie nte Abasi ke ndinam ñkpọ emi baba owo kiet mikanamke, midinyuñ inamke. Enye ama etiñ ete ke iyeyak uwem imọ inyuñ itọñọ ntak ida; Enye ama onyuñ anam ntre. Enye ama eset ke mkpa ke obukidem, onyuñ odu uwem ke nsinsi.

Sia Jesus enyenede odudu, Enye ekeme ndinọ mme owo odudu. Anditiene Ọbọñ Jesus Christ ke akpanikọ, enyene odudu ndidu uwem emi okoñde akan idiok-ñkpọ. Esio udọñ ndinam idiok-ñkpọ efep ke ini owo ayararede mme idiok-ñkpọ emi enye akanamde onyuñ ayak esit esie ọnọ Jesus. Mme ido ukpono Abasi efen ekpep mme owo ndidu eti uwem, edi inọhọ mmọ odudu ndinam nte mmọ ekpepde. Jesus ikpọñ ekeme ndinọ odudu ndikan idiok-ñkpọ. Oro edi ntak emi Eti-mbuk Jesus Christ okponde akan mme ido ukpono Abasi efen.

#### Asaña-utom Christ

Paul, owo-mbet ama okot idem esie asaña-utom Jesus Christ. Paul ekedi okpono Abasi kpukpru ini. Enye ekekere ete ke imọ imokpono Abasi. Enye ama eneñere ekpep Akani Ediom, onyuñokọbọ ikot Christ koro enye ekekere ete ke mmọ inọhọ Abasi ukpono ke emi mmọ ekponode Jesus. Ndien ke ini utibe-ñkpọ ama akada itie, ema ewut enye ete ke akpanikọ Jesus edi Eyen Abasi. Messiah emi ekedoride enyin ke anyan ini, enye ama akabare edi asaña-utom Esie ke ofuri esit.Ke oro ebede, enye ama onyime ndinam se ededi emi Jesus okoyomde enye anam.Enye ama enyene edikabare-esit idighe ikpikpu ukpuhọre ekikere. Enye ama onyime ndiyak ofuri uwem esie nte asaña-utom, ke nditiñ nnọ mmọ eken mbaña Jesus. Enye ama adianare idem esie ọnọ Eti-mbuk, odu uwem ọnọ Eti-mbuk, ndien, ke akpatre akpa ke abaña Eti-mbuk Jesus Christ.

#### Ekwořọ Eti-mbuk Ke Akani Eyo

Ke Paul ama ọkọfiok se Eti-mbuk edide, enye ndien ama okut ete ke emi idighe obufa ke eyo esie, ke ema ekekpuhọre esit esie oto ke erinyaña enye ama ekeme ndifiok nte ke ema ekwořọ Eti-mbuk emi ke ini Akani Ediom ñko.

Ndikwořọ Ọbọñ Jesus Christ edi Eti-mbuk.Jesus ama etiñ ete, “Ete mbufo Abraham akadat esit ndikut eyo Mi; Enye okokut onyuñ adat esit” (John 8: 56). Enye ọkọbuot idem ye Jesus, enyuñ etebe enye ikpe oto ke mbuotidem oro. “Edi Ñwed Abasi, sia ekebemde iso okut ete Abasi eyetebe mme Gentile ikpe ke ntak mbuotidem, ebem iso ọkworọ ikọ mfọn ọnọ Abraham ete, oto fi ke kpukpru mme idut eyekut ufọn” (Ñwed Mbon Galatia 3: 8).

Isaiah, anditiñ ntiñ-nnim ikọ ama etiñ ayarare se Eti-mbuk Jesus Christ edidide, ke ndiwet mme ikọ emi Jesus edidade anam ñkpọ ke Enye ama edi; “Koro, Jehovah emeyet mi aran onim, man mbuk eti mbuk nnọ mbon nsuk-esit; ọmọdoñ mi, ete mbọp mmọ eke esit mmọobuñọde, ñkworọ uworọ-ufin nnọ mbuot-ekọñ, ñkworọ nsana-nyak nnọ mmọ eke ekobide;...nnọ mmọ anyanya ke ibuot ntọñ, aran idaresit ke ibuot ntuaña, ọfọñ-idem itoro ke ibuot mkpa-esit” (Isaiah 61: 1-3).

#### Eti-mbuk Ima

Eti-mbuk Ọbọñ Jesus edi eti etop.Jesus akada emem, mbọm idaresit ye mfọn edi.Mme ido ukpono abasi efen edi eti-mbuk usua. Mbia-ibok ifot eyesọñ esit ewabare nsek nditọ ke ubok mme eka ewa ndinem abasi mmọ esit. Ndusuk ini esifop mme ebekpa ewot esin enọ mme ebe mmọ, ndusuk enyik mmọ ndiwot idem mmọ man spirit mmọ etiene mme ebe, nte ukpep-ñkpọ mbia-ibok ifot edide. Nso utọ mfiomo ye unana inemesit odu ọnọ mmọ eke edude ke idak ekim!

Isaiah, anditiñ ntiñ-nnim ikọ ama etiñ ete: “Ukot owo eti-mbuk eye didie ke enyọñ ikpọ obot! Ukot owo eke ọkworọde emem, eke obukde eti ñkpọ; eke ọkworọde erinyaña” (Isaiah 52: 7). Kere baña ukpuhọre ke

uwem mme okpono-ndem emi nkukure se mmọ ekefiokde ekedide ekim ye mfiomo, nnyuñkop nte Jesus amade mmọ edinyuñonode inemesit ye ima ke esit mmọnko. Owo emi adade etop erinyaña edi eye didie ke enyin mmọ, emem emi Jesus okodohode akana nte enyene kpukpru owo!

### **Eke Kpukpru Owo**

Paul, owo-mbet odohọ ete ke eyedu mme owo emi edisukde ibuo ino mbuotidem. Ke otu kpukpru mme idut, “Kabaña enyiñ Esie” (Nwed Mbon Rome 1). Mme owo edu ke kpukpru mme idut emi edinyañade edieke owo akade eketiñonọ mmọ abaña Jesus.

Ndusuk ini mme owo ke mme idut ke edem usiaha-utin ekere ete ke ido ukpono Abasi nte Jesus ekekpepe edi ido ukpono Abasi eke idut America. Edi Jesus ikoduñke ke America. Owo ikonyuñ iyarakede idut America ke ini Jesus okodude ke ererimbot. Edi Enye ama onọ mme anditiene Enye uyo ete eka ekekwo Etimbuk ke ofuri ererimbot. Ke ntre, ke isua ke isua mme nti isuñ-utom Abasi ema eka ñkañ Edem usop-utin, enyuñ eduñ ke America ke akpa itie, man enyene unen ukpono Abasi nte emade. Koro eda mme akpan ekikere ke Nwed Abasi ebop mbet idut nnyin, Ukpono Abasi nte Christ ekpepe osim kpukpru ebiet ke idut nnyin; nnyin ndien imodon mme isuñ-utom Abasi eka ke mme idut efen. Abasi omodiñ idut emi oto ke idaha esie nte idut emi ekponode Abasi ke ido nte Christ ekpepe; edi edieke esit mme owo ekade iso ndikpon Enye nte edide idahaemi, ubierikpe Abasi eyesim America.

### **Mme Anditiene-Christ ke Rome**

Paul, owo-mbet ama ewet onọ mme anditiene-Christ ke Rome. Ndusuk ekedi mme Jew, edi ufok ukpono Abasi mme idut ama odu do ñko. Mmọ ema enyene okposon mbuotidem ke Jesus emi mme owo ekekope ebaña ke ererimbot ini oro. Mmọ ikefeheke ndik ndinam uñwana ayama ke Jesus. Mmọ ekeyom ndinam ererimbot efio ete ke Jesus anyaña owo osio ke idiok-ñkpọ. Emi ekedi mbubehe mmọ ke uwem.

Paul ama ewet ñwed, edi enye ama aduak ndikese mmọ ñko. Enye ama odohọ ete ke edi ñkpọ inemesit onọ imọ ndisobo otọ kiet ye mmọ efen emi enimde ke akpanikọ nte imọ. Nnyin kpukpru imekeme ndinyene odudu Spirit ke ndisobo idem otọ kiet ndinyuñ ntiñ nno kiet eken se Obon akanamde onọ nnyin.

Paul ekedi okwo-iko ye isuñ-utom mmọ, ama onyuñ ofio ete ke imọ ididi uñwam ino mmọ ke mme ñkpọ Spirit. Enye ikerekere ite ke imọ imofio kpukpru ñkpọ. Enye ama odio ete ke imọ imekeme ndikpep ndusuk ñkpọ nto mmọ ñko.

### **Mbuotidem Paul Ke Etimbuk**

Nte Paul, owo-mbet akamade Etimbuk Obon Jesus Christ! Enye ama oyom ndikwo ke Rome, okposuk nte ekedide ufen onọ enye. Nkpọ baba kiet ikobioñke enye ndika iso mmenere enyiñ Jesus ke enyñ; ndinyuñ ntiñ nno eren ye ñwan nte ke mmọ ekeme ndibọ erinyaña. But ikanamke enye nditiñ nno mme owo mbaña Jesus, koro enye ama ofio ete ke ekeme ndinyaña mmọ nsio ke mme idiok-ñkpọ mmọ oto ke enyiñ oro. Paul ikabiatke ini nditiñ nno mmọ. “Enyene ndimana obufa”. Enye ama ofio ete ke mmọ ema ekeme ndinyene esit, ñko ke mmọ eyefio ke ini erikabare-esit adade itie, ñko ke erinyaña ana onọ owo ekededi eke edikpede ekom-urua ndibọ enye.

Edieke edide ke ema efen mme idiok-ñkpọ nnyin, inyuñ idude ke idaresit erinyaña Obon, nnyin imekeme nditiñ ye nsñ-uyo. Imekeme nditiñ nte John, owo-mbet ekewakde nditiñ: “Nnyin imofio” ... Nnyin imofio ite imoworo ke mkpa iduk ke uwem. Imofio nnyin idi mbufa ke Christ Jesus. Nnyin imofio ite mme idiok-ñkpọ nnyin ema ebe efep. Nnyin imofio ite Andifak nnyin odu uwem. Nnyin imofio ite Jesus eyefiak edi.

### **Isa Nnyin Ke Mbuotidem**

Enyaña nnyin ke mbuotidem idighe ke utom. Iduhe nti ñkpọ emi nnyin inamde eke ekemede ndida Heaven nno nnyin. Usuñ kiet kpot ke eda enyene erinyaña. “Edinen owo Mi edidu uwem ke mbuotidem”. Nnyin inyene nditua mkpofio ke abaña mme idiok-ñkpọ nnyin inyuñ inim ke akpanikọ ite Jesus edi eyen Abasi emi ekemede ndifen. Nti utom edi se itode ke erinyaña ke mbuotidem nnyin iworo.

Erinyaña edi nkukure ñtoñ isa nnyin ke mbuotidem. Kpukpru ñkpọ eke nnyin ibode ito Abasi enyene ndibe ke mbuotidem. Ke ema ekenyaña nnyin (me editebe ikpe ke mbuotidem) ana nnyin iyom edinam-asana, oro onyuñ edi ke mbuotidem ñko emi ada itie ke ini ima ikayak idem ñtoñ-ñtoñ ino Abasi ikan nte ekedide ke akpa, inyuñ inim ke akpanikọ ite ke Enye oboro akam nnyin.

Ke ini idonode, nnyin ibon akam inyuñ inim ke akpanikọ ke Jesus okok nnyin, inyuñ ibo erikok ke ikpohidem nnyin. Se ededi eke owo Abasi anamde ana anam ye ekikere ete ke Jesus enyene inem ke esit. “Kpukpru eti erino ye kpukpru eno eke ofonde ama oto ke enyñ, oto ke ubok Ete mme uñwana esuhore

edi” (James 1: 17). Enye ama ndinọ nditọ Esie nti ñkpọ. “Edi ke mbuqtidem miduhe owo ikemeke ndinem Abasi esit” (Mme Hebrew 11: 6).

Ke emi eyak Eti-mbuk enọ nnyin ke mfọn. Nnyin imekeme ndibọ me ndisin. Unen oro enyene nnyin. Edi ini ke edi emi mme andisin eti-mbuk edibọde ufen. Ke ini Jesus edifiakde idi ye mme angel Esie, Enye eyesio usiene ọnọ mmọ “emi mifiọkke Abasi, emi minyuñ isukke ibuot inọ Gospel Ọbọñ nnyin Jesus Christ”. Edi ama edi mmọ emi ema ekeyak esit mmọ enọ Enye eyedara ke nsinsi uwem. Ubọñ emi ama ọkọtọñọ ke esit nnyin eyeka iso ọkọri ke nsinsi.

### **MME MBUME**

1. Ikọ emi Eti-mbuk ọwọrọ didie?
2. Siak usuñ kiet emi Christ ọkọsọñọde idaha Esie, nte ewetde ke Ñwed Mbon Rome 1.
3. Ke nso utọ usuñ ke Eti-mbuk Jesus Christ ọkọkpuhọre ye mme ido ukpono Abasi efen?
4. Nso ke Isaiah eketiñ abañā ikpat owo emi edidade nti mbuk idi?
5. Jesus ọkọdọhọ ete ke Eti-mbuk enyene mme anie?
6. Didie ke Paul, owo-mbet akada Eti-mbuk ke idemesie?
7. Didie ke nnyin ibọ mme ñkpọ ito Abasi?